

豐城縣志卷之十三

人物五

明

鄧子龍號武橋。落星橋人。貌魁梧。驍捷絕倫。兼通翰墨。嘉靖中江西賊起。掠樟樹鎮。子龍應有司募破平之。累功授廣東把總。萬歷初從大帥張元勳討平巨盜。賴元爵已從。平陳金鶯羅紹清賊魁黃高暉逸。子龍入山生獲之。遷銅鼓石守備。尋擢署都指揮僉事。掌浙江都司。被論當奪職。帝以子龍犯輕。會麻陽苗金道侶等作亂。擢叅將討之。大破賊。解散其黨。五開衛

豐城縣志

卷十三

人物

一

卒胡若盧等火監司行署。撻逐守備。及黎平守靖州。銅鼓龍里諸苗咸嚮應爲亂。子龍火其東門。以致賊而潛。兵入北門。賊遂滅。十一年閏二月。緬甸犯雲南。詔移子龍永昌木邦部。耿馬奸人罕虔與岳鳳同爲逆說。緬酋莽應裏內侵虔。從掠千崖。南甸已引渡查理江。直犯姚關灣。甸土知州景宗真及弟宗材助之。子龍急戰。攀枝樹下陣。斬宗真。虔生獲。宗材虔子招罕。招色奔三尖山。令叔罕老率蒲人藥弩手五百阻要害。子龍餌蒲人以金。盡知賊間道。乃命裨將鄧勇等提北勝葭渠諸番兵直搗賊巢。而預伏兵山後夾

擊夜半上生擒招罕招色罕老及其黨百三十餘人。斬首五百餘級。尖山巢空。乃撫流移數人。會劉綎亦俘岳鳳以獻。帝悅。進子龍副總兵。予世廕。無何。緬人復寇孟密。把總高國春大破之。子龍以犄角功。亦優叙。自是蠻人先附。緬者多來附。永昌騰衝夙號樂土。自岳罕猖亂。始議募兵。所募多亡命。乃立騰衝姚安兩營。劉綎將騰軍。子龍將姚軍。不相能。兩軍鬪。帝以兩軍皆有功。置不問。既而綎罷。劉天俸代。天俸逮。遂以子龍兼統之。子龍抑騰兵。每工作輒虐用之。而右姚兵。及用師隴川。子龍故爲低昂。椎牛饗士。姚兵倍

騰兵。騰兵大不堪。欲散去之。副使姜忻令他將轄之。乃定。而姚兵又驕。因索餉作亂。由永昌大理抵會城。所過剽掠。諸兵夾擊之。斬八十四級。俘四百餘人。亂始靖。子龍坐褫官。下吏十八年。孟養賊思箇叛。子龍方對簿。巡撫吳定請令立功自贖。帝許之。命未至。定已與黔國公沐昌祚遣將郤之。無何。丁改十寨。賊普應春霸生等作亂。勢張甚。定大徵漢土軍。令子龍軍其右。遊擊楊威軍其左。大破之。斬首一千二百級。招降六千六百人。帝爲告謝郊廟。宣捷受賀。復子龍副總兵。署金山叅將事。先是猛廣土官思仁烝其嫂甘

線姑欲妻之。弗克。偕其黨丙測叛歸。緬數導入寇。二十年。攻孟養。犯蠻莫土。同知思紀奔等。練山。子龍擊敗之。乃去。子龍尋被劾。罷歸。二十六年。朝鮮用師。詔以故官領水軍。從陳璘東征倭。將渡海。遁。璘遣子龍偕朝鮮統制。使李舜臣督水軍千人。駕三巨縣。爲前鋒。邀之釜山南海。子龍素慷慨。年踰七十。意氣愈厲。欲得首功。急攜壯士二百人。躍上朝鮮。舟直前奮擊。賊死傷無算。他丹誤擲火器入子龍舟。舟中火。賊乘之子龍戰死。舜臣赴救亦死。事聞。贈都督僉事。世廕一子。廟祀朝鮮。

范惟恭字思安。化鵬坊人。領嘉靖戊午鄉薦。授睢寧教諭。豈弟作人。士稱爲范夫子。陞安東令。時地方疲瘵。民苦丁役。多流徙。惟恭招集撫字。政尚寬和。自是各歸本業。咸相謂曰。范父眞生我也。越三載。撫按交疏薦以上考。擢高郵州牧。至則百廢具興。一塵不染。禮賢造士。通商惠工。會督河役。勞心焦思。日夜軫念。民瘼箠楚。不事工役。告成滿任。陞廉州府貳守。惟策單車之官。民稱廉范。且曰。不喜范公得廉州。喜廉州得范公。嗣以介守。忤前監司。坐免。益著賢名。

黃虞臣字稷卿。邑郭城南人。領嘉靖戊午鄉薦。自幼甘

貧力學。世味澹然。質直公平。人敬憚之。初授仙居教諭。歷縉雲杞縣令。陞雅州守。二年致仕。所至實心爲民。屢有政聲。縉雲士民立石思之。構祠肖像以祀。歸七載。屏跡公門。日以娛親爲樂。父死哀傷不已。扶櫬往葬。躄踊號哭。窀穸未成。一慟而卒。

周汝德。字時昭。蔣坊人。英傑多大節。早聞西井之學。由嘉靖己未進士。授刑曹。有于廷尉風。恤刑兩浙。發奸摘伏。守鳳陽。豪強斂跡。淮西多水患。民困而盜。乃築隄防。嚴保甲之法。終守數年。無水害。無夜警。陞雲南副使。去鳳陽。民若失慈父。蘭倉夙苦鐵索蒞之擾。當

豐城縣志

卷十三

人物

四

事者。率羈縻養亂。汝德獨權其利病。制其要害。毅然厲兵進征。不十日。搗其九穴。餘三穴亦竄伏岩。嶼糧盡力屈。降在旦夕。爲忌功者。誣以輕動。潛引兵歸廷議。公道昭明。仍懼違。撫按請量移貴州。兵備僉事。甫三月卒。士林惜之。

黃國華。字良實。號樸菴。荷塘里人。叅政琥之曾孫。嘉靖己未會試第六名。授長垣令。大河故在城南。歲苦衝溢。築捍堤百十餘里。民始奠居。大學生閻質冒領賊贓。法干行止。白所司釋之。會郊舍暮。持五百金爲壽。國華曰。我念汝枉。若不以伯起視我乎。復繫之累月。

乃釋去。旁邑多蝗災。獨不入垣境。比考績。擢刑部主事。歷員外郎。中甲子典順天試。所拔多名流。奉命恤錄河南。啟行渡會。省與書吏吳時本矢曰。有飢法相狗者。不復濟此江。高新鄭郭安陽一以弟請釋。一以義男請弗釋。汝寧王義重辟也。聽書客誘走千金賂。怒執誘者。發有司遞還本籍。事竣陞淮安。水災異常。海潮三嘯。民居漂溺者不勝紀。國華查贓贖備賑。移商稅買穀。留各衙門紙。罰濟河工。借轉運餘鹽銀。淮徐二倉米充本折。應付議。那稅錢俵馬議徵折色。初巡撫趙孔昭猶難其議。適河道翁大立蒞淮。國華繪

饑民圖十二。翁爲轉上廷議。發帑銀五萬備賑。復蠲稅若干。自是與趙有郤。調知龍安。錯壤氏羌。汗風未殄。至則首釐之。三家土官銜廁本府。民顧厭其侵。漁鄰站二夫藉名防守。折乾私家。陳議革禁。歲省夫銀四千六百兩。龍安半屬生番。盤踞路要。憲節格截。叅戎密授群帥方略。殲其渠魁。始知畏命。巡撫劉斯潔議遷府治駐綿州。割青川十餘縣爲屬。國華獨條其弊端。謂府有鐵龍明月諸關。足扼番人窺伺之路。松潘亦且恃爲內援。若今日棄他日。必爲全蜀害。維州事可鑒也。議乃格。會入覲。龍民爭立生祠。比至京疾

作尋卒。不給于殮。卒之前一日。猶議陳地方利病。其盡心民事如此。祀龍安名宦。

熊秉元字仁卿。陽源人。領嘉靖戊午鄉薦。成己未進士。初任棗強。釐奸剔蠹。稱神明。值歲旱。禱輒應。賑給有方。全活甚衆。臺臣薦有治才。改歙令。棗強士民攀留不釋。蒞歙。治益肅。權貴莫敢以私干。諸監司奏最。以年例授刑部主事。飭廉隅。不諧于衆。註誤左遷寧陵。尤加淬勵。義倉社學里甲軍稅。卓有成規。大司空廉其能。委兼理河濬淤砌聞。不惜勞勩。工成。欽賞。撫按交薦。復職。適舉邊才。尋改兵部。奉勅守山海關。時邊

豐城縣志

卷十三

人物

六

警戒嚴。兵薄都城。秉元率將領督民兵。捍外內。隨遁去。條上防邊五事。曰復遊兵。還遠軍。增馬匹。儲軍器。修城濠。悉見舉行。終制補工部。適穆宗崩。秉元創行殿治陵寢。勤勞懋著。楊虞坡持衡。素知其名。特晉武庫督學。監試武弁得人。轉車駕司。裁抑冒濫。驛遞少甦。督撫請閱邊鎮。詔簡公勤官僉曰。秉元可往。覈工稽糧。甄才犒士。復列未盡事宜八條。曰增敵臺。修舊墻。足兵食。停朋銀。均道屬。併將領。處班軍。汰冗官。報可。掌職方。裁決邊政。如流。譚大司馬署。上考手書。真職。方氏贈之。坐積勞。遘疾。乞歸卒。

孫樾字汝峻號肖泉北門人領嘉靖辛酉鄉薦任鹽城教諭端己率士多成就上官素重其才屬修縣志紀傳雅推有體陞邵陽令有節操藩王請託堅拒不納其積猾舞文爲民蠹者輒寘之法發摘如神嚴保甲立社倉置遞舖平虛糧均徭編省里甲安獯狗鑿鑿皆循良績當道布之各郡縣標爲通行憲法尤注意學校月課文藝捐俸百金置學田五十餘畝資給膏火邵陽在僻隅前數十年無科甲士是科登春秋榜者甲于諸邑五載陞泰州守泰素稱繁劇難治至則恫惻民隱屏冗剔苛興善除害築高郵堤以永水利

豐城縣志

卷十三

人物

七

招撫流民給以牛種復業更生者百十餘家時總兵乘傳多勒索樾正色勁詞一不應總兵計欲傾陷之聞執政竒其操不得修隙而去報最方列薦剡以邁疾卒于官。

雷瀚字時廣尚書禮長子幼穎絕弱冠搜羅百家尤邃于史摛文獨攄心匠嘉靖辛酉領順天薦鼓敝篋策蹇驢人莫知爲亞相子凡席勢自封溷鄉里關有司事恥染於躬至談時政鑿鑿經濟嘗糾衆立鄉約嚴保甲清賦役行之一鄉翕然從治素不喜仙佛遇崇信者必匡正之劉撫臣薦其學行於朝如陳白沙故

事。上春官卒。

涂浹字必和。甘棠人。夢桂父。宅心忠誠。操行坦易。早失怙事。母克孝。撫育諸弟。竭盡心力。酬接里黨。間必斂容戢顏。懇懇導之爲善。族人貧難無依。多割產拯援。或有倚強凌弱。踰蕩自恣者。輒持嚴正。不少徇生平。豪邁濶略。耻談封殖。初習舉子業。數竒未酬。遂專意課子。後果成名。封太常博士。尋封吏科給事中。無片楮入公府。亟見重于有司。而大節懿行表著。鄉里僉稱曰謙齋先生。

李材字孟誠。尚書遂子。舉嘉靖四十一年進士。授刑部

豐城縣志

卷十三

人物

八

主事。素從鄒守益講學。自以學未成。乞假歸訪唐樞。王畿。錢德洪。與問難。隆慶中還朝。由兵部郎中稍遷廣東僉事。羅旁賊猖獗。材襲破之。周高山設屯以守。賊有三巢。在新會境。調副總兵梁守愚。由恩平遊擊王瑞。由德慶入。身出肇慶中道。夜半斬賊五百級。燬廬舍千餘。空其地。募人田之。亡何倭五千攻陷電白。大掠而去。材追破之。石城設伏。海口伺其遁而殲之。奪還婦女三千餘。會奸人引倭自黃山間道潰而東。材聲言大軍數道至。以疑賊。而返故道迎擊。盡殺之。又追襲雷州倭。至英利。皆遁去。降賊渠許恩於陽江。



錄功進副使。萬歷初，張居正柄國，不悅材，遂引疾去。居正卒，起官山東。以才調遼東開原，尋遷雲南洱海。叅政。進按察使，備兵金騰。金騰地接緬甸，而孟養蠻莫兩土司介。其間叛服不常。緬部目曰大曩長，曰散奪者，率數千人據其地。材謂不收兩土司，無以制緬。遣人招兩土司來歸，而間討抗，命夷阿坡居頃之。緬遣兵爭蠻莫。材合兩土司兵，敗緬衆，殺大曩長，逐散奪去。緬帥莽應裏益兵至，孟養復擊沈其舟，斬其將一人。乃退。有猛密者，地在緬境，數爲緬侵奪。舉族內徙，有司居之。戶碗至，是緬勢稍屈。材資遣還故土。緬

人驅象陣大舉復讐。兩土司告急，材遣遊擊劉天俸率把總寇崇德等出威緬渡金沙江，與孟養兵會遮浪迎擊之。賊大敗，生擒繡衣賊將三人，巡撫劉世曾總兵官沐昌祚以大捷聞。詔令覆勘未上。而材擢右僉都御史，撫治鄖陽。材好講學，遣部卒供生徒役，卒多怨。又改叅將公署爲學宮。叅將米萬春諷門卒梅林等大譟馳入城，縱囚毀諸生廬，直趨軍門，挾賞銀四千。洶洶不解。居二日，萬春脇材更軍中，不便十二事，令上疏歸罪。副使丁惟寧知府沈鈇等，惟寧責數萬春，萬春欲殺惟寧，跳而免。材遂復劾惟寧，激變。詔

下鈇等吏貶惟寧三官。材還籍候勘時十五年十一月也。御史楊紹程勘萬春首亂宜罪大學士申時行庇之置不問旋調天津善地去。而材又以雲南事被託。遂獲重譴。初有詔勘征緬功。巡按御史蘇艷言斬馘不及千。破城拓地皆無驗。猛密地尚爲緬據。材天俸等虛張功伐。副使陳嚴之與相附和宜並罪。帝怒。削世曾籍。奪昌祚祿一年。材嚴之天俸俱逮。下詔獄。刑部尚書李世達左都御史吳時來大理少卿李棟等當材天俸徒嚴之鑄秩。帝不懌。奪郎中御史寺正諸臣俸典詔獄。李登雲等亦解官。於是改擬遣戍。特

旨引紅牌說謊例坐材天俸斬嚴之除名大學士時行等數爲解。給事中唐堯欽等亦言材以夷攻夷功不可泯。奏報偶虛坐以死。假令盡虛無實。掩罪爲功。何以罪之。設不幸失城池全軍不返。又何以罪之。帝皆不聽。幽繫五年。論救者五十餘疏。已天俸以善用火器。釋令立功。時行等復爲材申理皆不省。亡何孟養使入貢。具言緬人侵軼。天朝救援破敵。有狀聞典兵者在獄。衆皆流涕。而楚雄士民閻世祥等亦相率詣闕訟冤。帝意乃稍解。命再勘。勘至材罪不掩功。大學士王錫爵等再疏爲言。帝故遲之。至二十一年四

月始命戍鎮海衛。材所至輒聚徒講學。繫獄時就問者不絕至戍所。學徒益衆。許孚遠巡撫福建。日相過。從久之赦還卒。年七十九。材學雖受之鄒守益。以上接王守仁。然不循其軌轍。以大學知止知本爲鵠標。其宗旨曰止。修學者稱見羅先生。莆田士大夫爲創明宗書院。著有觀我堂稿。教學錄。正學堂稿。將將紀。兵政紀略諸書。

蔣機字若衡。號日峰。沅江人。幼穎拔。登嘉靖壬戌進士。授蘇州嘉定知縣。地濱海。賦重民貧。素稱繁劇難治。機政先仁恕。舊額里中庫子供值等。悉行裁革。條鞭

法自此始。時兌運交于淮。民甚苦之。力請改就本府。以便民至。忤督漕不避。有巨寇沈堅。沈墨者。出沒海洋。積歲爲患。奉巡撫溫如璋檄親往督捕。堅墨等一時俱縛。吳下遂賴以安。嗣復清稅額。絕飛詭。興學校。濬溝洫。緩催科。簡獄訟。縷縷皆愛民實政。乙丑行。取擢山東道御史。奉勅巡視京倉。一洗蠹弊。臨淮侯李充漕運。總兵官奸貪不職。直疏劾罷。前後條陳有補缺。船恤漕卒。專責成。嚴勘劾。禁寄囤。五事之疏。有分責任。祛積弊。設專官。修河渠。四事之疏。俱蒙俞旨。戊辰簡命河南周察民情。中州大水。歲穀不登。申飭郡

縣捐贖金先賑之。隨疏災異蠲田租。發內帑。分遣救卹。全活不可勝紀。修大梁書院。興作士類。所至雪冤獄。飭武備。憲紀恢張。稱名御史。辛未。按福建。風采尤著。漳泉有豪宦驍悍。搆訟。機立叱之。雄桀自是潛踪。尋丁外艱。歸。民不忍釋。竟以哀慟寢疾卒。

李橡字孟栗。號思訥。隸元孫。登嘉靖壬戌進士。初授烏程令。清慎勤恪。革宿弊。決疑獄。弭巨寇。豪右斂跡。值水荒兵變。悉心區畫。約二十四條。著爲令。薦治行。第一。補武選司主事。歷陞車駕司郎中。酌議馬政。勘合數事。悉以才著。大司馬楊虞坡雅重之。擢嘉興府守。

豐城縣志

卷十三

人物

十二

至則首崇大體。念切民瘼。講求水利。督修圩岬。禁火葬。水阡。均里甲賦役。事皆專決。不假手。左右先是案牘多滯。積繫囹圄。審其無辜者釋之。強梗不法者律之。權貴請托峻拒不行。有神明之號。郡當衝衢。驛傳不給。約歲中立畫一法。每船一隻。歲給工食二名。守船餘俟差遣。照役給發。所省財以萬計。民甚稱便。各郡悉倣以行。尤作興學校。□養士氣。一時名士盡出其門。登顯科者倍于他郡。薦紳父老撮八政。勒于石。以誌去思。乙亥夏五月。海塘傾圯。潮湧內地。近海居民溺死者千餘。捐俸買棺瘞屍。循行阡陌。便宜賑救。

轉達蠲輸。全活不可數計。鹽民築室海上。建生祠。扁曰報功馮養。白次其事。議晉陟。以持法忤當道。量移蒼梧郡。蒼梧行軍司馬駐其地。供應煩劇。橡政先節省。興利除害。創學舍百餘間。撫流民五十餘戶。却北流縣餽。巡撫奏其清操。士民感戴。稱頌無異。嘉興尋致政歸。置義田賑貧乏。宗黨咸仰其德。

黃時濟字文道。登仙門人。勉裔孫。嘉靖甲子舉人。初任蕭山縣教諭。持己端嚴。待士有禮。聘典廣東文衡。稱得士。尋陞孝感令。蒞任六載。有循良十詠。如疏園法清丈量。築隄賑饑。尤關民命國計。暇日輒進諸生考。豐城縣志

卷十三 人物

十三

課。自是孝感科名鼎盛。人稱時濟實啟之也。年八十卒于家。

涂夢桂字時芳。甘棠人。讀書日數行下。登嘉靖乙丑進士。除太常博士。擢吏科給事中。風采凝峻。名動一時。少司馬某挾權怙勢。露章論罷之。轉戶科右給事。隆慶末。大璫馮保蠱幸竊權。神宗登極。保掖登御座。竟立座前不就班。夢桂率省僚疏其四逆六罪。請正法。保又矯賜闈黨蟒玉。夢桂力爭之。疏三四上。皆不報。卒以是得外斥。降濬縣丞。稍遷江都縣令。不以諫臣被逐。懷怨望。殫心營職。條地方利弊。平賦役。禽豪猾。

邑以大治。居二年。薦書交屬。終以權璫積怨。反由內察。罷歸。士民遮路攀轅。不忍釋。夢桂竊自喜。得以初服返子舍。侍父終養。闢茅齋一顏。曰尚志優游。諷詠卒其身。

李棡字孟敬。號石龍。尚書遂之伯子。嘉靖丙午。以鱗經舉亞魁。乙丑成進士。初授魏縣令。魏健鬪信鬼。至則以興教。釐風爲首務。嚴保甲。飭鄉約。酌定禮條律要。俾民誦習。又令無賽會。無釀緡錢。以粟易之。計其羨爲社倉。而規其息。逾年獄訟衰減。鄉社困藏。至八千五百有奇。聞訃去。民肖像以祀。服闋補肥鄉。審編徭。

豐城縣志

卷十三

人物

十四

正飛詭。塞邯鄲。鄢米二口。濬漳河故道。灌田數萬家。垂永賴利。與李文靖合祀一祠。政成以循良績擢河南道御史。歷巡光祿大倉漕河。疏陳利弊。均裨軍國大計。神宗初。復上一政。令定治體二疏。一時政無旁落。人皆憚其風采。時張江陵秉政。將要重于棡。請命按楚。欲以子弟屬之。棡覘江陵意微詞以拒。因有隙。先是武岡王顯槐謀奪楚府事。聞下撫按官勘。奏顯槐先裂其籍之半歸政府。頃之果密札相屬。棡益正色直指王罪狀。按如律。人皆爲棡危。獨大司寇王西石歎曰。李棡執法真御史哉。自是江陵憾棡益甚。是

歲枳欲引疾去。復迫新命。按順天。適梁城巨猾陳寬倚巨璫馮保爲奸。法應死。貴人以馮保故言之。枳竟不貸。時宰巨璫共嚙之。出補浙江副使。疏請致仕。結廬西山。究心家傳性理之學。書忠信篤敬于身。銘毋自欺。不妄語于座。所著有困學纂言。惜陰稿。及緝論語外編。嘗與張洪陽鄧定宇同講學。卒合祀逍遙淨廬。并祀郡邑鄉賢。

鄧一相字輔之。黃埠腦人。性英敏。童時端重如成人。中嘉靖辛酉鄉試。乙丑成進士。授同安令。邑罹兵燹後。民多流離。惻然拊戢。俾皆樂業。尤加意敦士。習振文。

豐城縣志

卷十三

人物

十五

風。賓興解額倍于他時。撫按上其治狀。當超擢。爲有隙者所排。僅得貳廬郡。廬故多奸宄。會當凶歲。英霍間竊發者。叵測備兵。長吏暨諸執事。方各周章無措。一相毅然身任其役。遂執渠魁。閭閻安堵。時災凶遍流淮甸。部使者以一相賑恤有方。遂舉諸郡賑恤咸屬焉。一相殫心竭力。至廢寢食。因染疾。卒於官。櫬還廬。人奔哭數十里。有奪我所天之語。兩淮廬同各祀其社。又祀名宦祠。

樊城嘉靖二十年授清平訓導。轉泰州學正。講學課藝。士皆悅服。州學舊有田久廢。城至力請之。監司以贍。

土攝州篆。州人愛如父母。海安鎮舊無城。時倭寇訪熾。議建城以固圉。巡撫唐順之檄城往營度曰。東築任鉅功。當折衝矣。城聞命疾馳赴鎮。集居民宣恩威。諭禍福。衆力共勸。不二旬。城成。順之及副使劉景韶嘆賞。未幾轉官桂林。景韶欲留參幕府。將具疏以請力辭。

按舊志科貢內俱無樊城名。故莫詳其里居出身。茲採揚州府志名宦傳補入。

袁坡字邦彝。袁坊人。志慕前修行。謹屋漏。母死廬墓泣血三年。嘗與鄒謙之工汝止。講明正學。卒棄斥。舉子

豐城縣志

卷十三

人物

十六

業結廬雲山。遠近從遊者至室不能容。平生不事產業。晚歲家益落。讀書談道晏如也。當時學者稱爲雲韶先生。

熊廷用尚書尚文父。嘉靖間爲長樂典史。時倭寇猖獗。逼縣城。廷用登陴守禦。開門令老幼俱入城。存活數千人。修築濱湖民受其利。

孫貫字子一世。祐伯子。仕光祿寺丞。性至孝。親卒哀毀骨立。葬祭悉如禮。築室墓傍。日夕號泣。有白鵲來巢。玉芝產戶。人謂孝感所致。邑尹韓太史李僉廉其孝。各撰廬墓記以表之。



黃焯字原靜。衙背人。隆慶戊辰進士。初任刑部。貴州司主政。適朝審路楷大獄。楷附權相黨。且順意旨殺直臣沈青霞。時某當國。納楷賂。屬大司寇諷焯庇其死。焯不從。廷鞫時。司寇厲聲曰。後生何知當日事。寧有非謀殺以兩人抵一命乎。以揚順既伏其辜也。焯正色對曰。文致沈鍊。自路楷駁招。始爲御史不執法。又附會之殺人媚人。罪浮于順。某語塞啣之。壬辰冬。卹刑雲貴。竟爲所抑。出守金華。後河南分典文衡。再補開封。多善政。以剛直不善承風旨。卒獲罪。後起爲四川兵備副使。未幾罷歸。

豐城縣志

卷十三

人物

十七

丁果鍊之孫。資性篤厚。蚤歲肆力詩書。攻舉子業。及失怙痛。祿養不逮。遂棄去。晨昏依母膝下。母卒。躃踊哀號。幾至殞生。鄉士大夫重之。與聯社會。賡吟咏。儼埒名家。生平樂施。予濟人困。不自爲德。出腴田百畝。爲學租。輸粟千二百石備賑。湯尹質齋以其事聞。查督學。旌其門曰潛修尚義。夏巡撫疏請建坊。榮以命服。爲慕義者勸。

胡緒字本理。旗塘人。氣概簡宕。凌厲一切。豪于飲。一石千鍾。酣適自若。讀書多所獨得。舉嘉靖壬子鄉試。登隆慶戊辰進士。授工部主事。轉吏部稽勲考功。驗封。

貝外郎節操清介。時以冰壺玉尺兼推陞河南按察使。到官之日。威望竦動一時。旦坐堂。每令一人汲水灑除階墀。不留滓穢。自勵守職。常如此。然用刑嚴峻。九夏凜然。霜肅。故毀譽亦恒互。見轉浙江布政使。以足疾增劇。請告歸。奉身率物。合水西一鄉。申講六諭。大概以嚴謹規鄉里。後有頌其爲太邱公平彥方端正。而鄉鄰之訟不終。草竊之奸潛伏者。皆實語也。居家一札。不干當道。偶以公事至縣。不能具肩輿。竟令兩田豎舁竹胡牀。偃蹇而進。某令入計。因不獲。緒札見抑。走贄千金。間關懇求。竟却不納。止以寒溫荅銓。

選末屬以某爲官。亦佳四字而已。年八十三。卒於家。范謙字汝益。憲副慶之子。登隆慶戊辰進士。改翰林庶吉士。旋授檢討。分校南宮。得士皆名碩。先後修世宗穆宗兩朝實錄。纂修大明會典。凡書上俱賜金幣。居□垣十四年。會江陵柄政。同鄉傅劉兩侍御。疏其辜狀。下之獄。謙從獄中問勞。江陵恚甚。出福建左叅議。分守漳南。謹汛防。嚴斥堠。理田賦。爲素嫻吏事者。所弗逮。轉副使。視山東學政。進諸生析疑義。懋以士行。且捐俸置田。以資貧乏。嗣轉湖廣左叅政。督理糧餉。以宗祿日繁。民重困。條利弊十事。上兩臺使者行之。

民力稍蘇。復轉山西按察使。備兵井陘。改河南汝南道。汝南東鄰濠潁。西接荆楚。控帶數千里。俗紛雜難治。謙簡戎旅。蒐萑苻。修荒政。辯疑獄。用以鎮服。而綏定之。浮沉外服十餘年。辛卯。由山東右布政內擢大僕卿。歷太常署國子監祭酒事。明年充經筵講官。未幾轉詹事兼翰林院侍讀學士。晉禮部侍郎。署部篆教習庶吉士。時海內紛紛言儲位未定。謙疏請冊立。不報。內傳三王並封。又力陳非祖制。事遂寢。東宮出閣。擢充侍班官。反復開陳。諄切勸勉。每爲歛容起敬。已乃充正史總裁。有慨于靖難。復辟事。疏請復建文。

年號纂少。帝本紀。修景泰實錄。大略謂元史可修。奈何失其實于當代。勝國之君可謚。奈何削其號于本朝。景泰之位號可改。奈何斬其名于建文。一時死事之臣。尚可褒錄。奈何遺棄其君。令湮沒于百世之後。情詞婉痛。帝覽奏。報可復銓。注吏部右侍郎。協理詹事府。旋陞禮部尚書兼翰林院學士。具疏懇辭。帝褒荅以學識純明。行誼端恪。不允屬東封議起。謙疏倭夷叛服不常。難照朝鮮琉球例。且關白海島屬夷。未應王號。小西飛一介倭使。豈擬陪臣。宜于館處宴待。令武臣往使。俱如議。帝恒深拱大內。謙請親口廟勤。

朝講正儲位。裁封章。侃侃正論。胥啟沃嘉猷。復疏元旦入覲。宜屆期臨御。皆不報。乙未。知會試貢舉。充廷試提調官。秦藩違例請封庶兄郡爵。俞命已下。執奏再三。丙申。因冊立久稽。疏兩上。明年再上大要。謂長幼定序。皇上既已宣示臣民。凡此大典。宜從中斷。且皇長子年已十六。祖宗朝未有愆期。至是者。倦懇數千言。讀之可涕。既抱病。猶燒燈草。奏曰。此請不得行。當以死爭之。適兩宮三殿災。疏陳肆赦宥。求直言。補缺。貝急行取。罷稅礦。以圖修省之實。仍引古冊。免大臣故事。屢乞休。溫旨固留。謙于書。無所不讀。早侍父

憲副從鄒文莊遊。有契陽明。增城之旨要。以慎獨躬行爲宗。而世務練達。經術宏深。自史館經筵。迄掌邦禮。極膺眷注。懋著恪共。如分獻南郊。致祭孔廟。供事孝安之葬。奉冊榮藩之封。追崇周敦頤。父從祀。啟聖祠。及專建太傅于忠肅祠。皆有功典禮。丁酉卒于官。帝輟朝哀悼。諭祭葬。贈太子少保。謚文恪。著有雙栢堂集。

按舊志本傳事實未詳。茲據吳文恪道南所作行狀。採緝編次。庶覽者得以詳其生平。知名臣之功。存典禮。誼矢恭誠真。無愧于文恪之謚云。

杜搢字端叔。士希季子。幼穎異。博極書史。年十三。馳聲藝苑。督學胡清巖。黃敬所號知人。皆竒之。中隆慶辛未。會魁。授山東臨清知州。性秉剛直。心存仁恕。遠嫌疑。絕請托。州故紛靡。搢獨處之。澹如家。載米自給。惟飲清源水耳。學舍地久爲豪家侵據。搢始清復。購材修建。進諸生講誦。其間士風益振。壬午魁雋。柳佐張三極。皆所造就。士張固貧窶。搢給其朝久。且爲畢婚配。每蒞政。侵星而起。轉漏乃息。搜剔積蠹。爲民害者。洗革殆盡。初編徭役。爲三則。富勢多營脫。獨累貧民。搢更定九則。毫不假借。有神君之謠。審戎馬。革行戶。

豐城縣志

卷十三

人物

二十一

裁里甲。禁和買。惜供具節。驛傳雖獲戾。上官不恤躬督。築堤濬河。暑雨不避檄校。癸酉棘闈。程式出其手。河道部院交章列薦。方報。最以節序。不能躬承菽水。每歛歔不樂。尋疾作。卒于官。櫬歸。士民號送百里外。猶不忍返。從祀名宦。所著有齊民要錄約僚五事。諭俗十三條行世。

范梅字元春。化鵬巷人。隆慶辛未進士。除海鹽令。鹽邑受蘇浙諸水苦墊溺。梅下車。以隄務爲急。發粟資。被患者。民藉以安。士貧不能學。置田租給贍。時當籍民數以獻。訟言如堵。梅曰。毋抑大。亦毋困小。調劑之。咸

服其公。甫報最以憂去民。思之不斲。服闋補邢臺。陞南繕部主政。具題修城七議得允。行尋出守興化。申驛傳之。禁節郵費千數百金。故事解府備他費。梅請當歲額之入。民益賴之。後左遷運副。齟政多所釐剔。致政歸。儉約自持。矩範不踰尺寸。

徐州牧字仁仲。隱溪人。萬歷癸酉舉鄉試第一。當神宗初薦紳先生。皆敦尚古。處胥得以狷直。守節官下。州牧既博洽。登解首詩酒。頽放雅量過人。不樂于仕進。勉強謁選得山東平陰令。吏民親愛如慈父母。文章品行大爲當道所重。一日有上官某者。移文檄其屬

筆。州牧喟然曰。昔陶靖節恥爲五斗米折腰。豈操觚騰事。得促之以尺一牒乎。坐是忤。時竟左降歸。日以著述爲樂。所著有倦遊稿。詩文雅馴。逼近漢魏。里中舊以詩名。如劉崇明。熊侍御。游賓州王太僕等。並轡于前。袁給諫。雷工部。孫太學等。聯鑣于後。州牧直足以方駕齊驅。其寫懷百韻。中有卽看入室超廊廡。應許。登壇建鼓旗。識者謂無愧于其言。

李瑄字邦和。篠塘人。萬歷丁丑進士。授歙縣知縣。丁艱服除。補成安縣。以卓異舉。擢廣西道御史。陞福建僉憲。戊子奉表入都。疏劾大學士申時行十罪。語侵王

錫爵言。惟錫爵敢恣睢。故時行益貪戾。請並斥以謝天下。帝覽疏大怒。下閣部擬旨。一廷杖。一謫戍。一削職。帝抹去杖戍。謂李瑄以外臬而議閣臣。祖宗二百年來。未有此事。著削職甫兩月。時行亦罷。瑄才堪大用。居家三十年。凡一縣利弊。知無不言。邑尹亦無不就。其廬商請。光宗詔起用之。會崩不果。

鄧漢字潔之。洪橋人。少孤。悼父葬薄。終身不忍御華服。奉母孝。嘗授生徒于貴家。食必思親。不忍兼味。居母喪。水漿經旬不入口。與弟友愛甚篤。有稱貸。輒爲拮据。償。偶拾遺金。坐守于路。待失者還之。由貢授休寧學。

豐城縣志

卷十三

人物

二十三

訓丁艱歸。服除。補常熟。遷教諭。以敦行明倫爲先。士貧不能婚葬。恒捐貲以助。經其品題者。後悉爲世用焉。遷金山衛教授。尋致仕歸。五舉鄉飲。大賓就者三。生平究心理學。忠誠不欺。充養完懿。無疾言厲色。年九十卒。

徐即登字德俊。號匡嶽。高士孺子。苗裔。蚤有志於聖賢之學。初從徐魯源以求仁爲旨。繼從李見羅以知本爲宗。即登恐良知流入禪悟。而以修身實之。乃發明之曰。聖學非不貴知。但云知止。止在何處。云知本。本是何物。故雙提止修以救良知之弊。此心印語也。中

萬歷癸未進士。當見羅官滇南。時奏緬捷。中蘇御史之讒。逮繫獄。即登爲禮部官。出則就闕下鳴師冤。入則侍師起居。暇即獄中受業。相與明學問之要。值朝審見羅自獄赴刑部縲紲行。即登冠服左右從。且掖且步。且哀乎白冤狀。感動行路。時國儲未建。中外言者多得罪。即登抗章極論既定。終身不復自言。人問之曰。太子未立。人臣念宗社大計。不得不言。今幸震器有定。上父子骨肉之間。豈臣子功名地乎。即登淹郎署垂十年。始遷福建提學副使。閩舊爲朱子教化之地。即登崇聖學正文體。與諸生窮性命指歸。士風

丕變。晉河南按察使。振飭紀綱。風裁凜然。會部紳王遵訓者。莊人糾聚羣盜不法。事聞有司。將上變誣遵訓。大不道。招內亡命。先是欽天監奏星變。占在宋分。歸德古宋地。是時歸德沈相與同閣有隙。以遵訓事與星變合。傅會興大獄。即登對御史曰。殺人以媚人。吾不能爲也。竟拂衣去。事遂寢。然御史卒以此啣。即登辛丑考察調用。既歸杜門謝賓客。日以聖學斷續爲己任。弟子益進。著儒宗要輯八帙。儒學二帙。正學堂稿八帙。來益堂四帙。易說五帙。書說四帙。詩說五帙。春秋禮記說二帙。遜國諸臣錄二帙。詩文若干卷。



先後撫按薦章凡數十上。天啟六年卒。年八十六。崇祀先賢鄉賢等祠。

李復陽字宗誠。湖茫人。登萬歷癸未進士。任無錫知縣。下車會審疑獄。適有異風自西來。復陽曰。此必有冤者。細鞫果誣枉。立出之。民以此驚異。政尚寬大。不務赫赫聲。撫按第諸邑治狀居異等。晉秩儀曹。姜士昌薦舉天下賢才六人。復陽與焉。調吏部主政。歷文選。凡六月。兢兢以甄別人才爲己任。尋擢南璽卿。歷通政司叅議。生平以清廉著。

雷暎字元亮。中丞賀子。生而穎異。比長多竒節。不屑瑟

豐城縣志

卷十三

人物

二十五

爲家人。產盡發。中丞所藏書讀之。尤醉心風雅。萬歷乙酉。領順天鄉薦。授荊州貳守。未朞。奉檄督運皇木。臚列六條。監司報可。旣卽役。涉險營費。經四年。始達京師。比至大璫。陳永壽齟齬之。無隙中傷。僅遷南司宗行。尋轉工部郎中。日與南曹郎知名者結社論詩。坐是滋排忌。爲署司空。某所論劾。解任歸。生平倜儻不羈。議論恒得大體。當官營職。期于建立。初席先業。佳游。彥會紛集于門。及歸戶庭。蕭然。意殊自得。而著述日盛。以古雅見稱。有詩文諸集行世。

李啟美字應臣。號念方。南湖人。瓚之孫。萬歷丙戌進士。

改庶吉士。授檢討。歲己巳。國儲未建。會有三王並封之旨。言者多獲譴責。啟美具疏。大略謂不冊立不足以釋群疑。不冊立不足以補袞闕。不冊立不足以安皇妃。不冊立不足以留元輔。且上書政府。王錫爵謂東宮原無待嫡之條。元子舊無分封之例。豈惟失天下人心。恐天地祖宗亦復悵然於此舉矣。時論壯之。是歲值萬壽聖節。又上疏有曰。天子聯天下爲一身。當合四海以言壽。天命人心。陛下之元氣。群工庶僚。陛下之五官。九邊百蠻。陛下之四體。財賦軍旅。陛下之營衛。乃臣伏覩近事。如日食星變。地動血湧。蓋接

至矣。加以東南水旱之後。疫癘流行。西北貧困之民。疆場蹂躪。人情洶洶。朝不謀夕。昔人所憂三空五盡。今備有之。是陛下元氣尚未完固也。代言密勿者。徒聞中使口傳千里。應召者未望九重顏色。而陛下事出獨斷。旨從中降者。又令宰臣不得封還。部臣不得執奏。言臣不得論諍。是陛下五官尚未疏暢也。西賊本我士卒。近戕督帥。拒王命矣。北國受我市賞。近搆逆賊。謀內犯矣。督府不能制將帥之渙心。將帥不能得士卒之死力。而朝議與邊計又雜。爲政而莫可適從。蓋肩背肘腋無所不病。而心手臂指不相爲使。是

陛下四體尚未調適也。兵興以來。糧餉軍需。飛輓絡繹。民力已竭。加賦于下。不免剗股啖腹之弊。求足于國。便有捉衿露肘之形。然而內府金錢。陳陳朽積。無關軍國。徒侈私藏。甚且極詘之時。復有取盈之舉。輸之者。竭脂膏積之者。爲長物。此國家血脉。而何爲壅滯。一至于此。是陛下營衛尚未融洽也。往者節奉聖諭。深以不能成禮。不克視朝。爲慙諄切之詞。似非獲已。想聖體適有未暢。力不從心。遂至以小恙廢大典。以上聖蒙訾議。則何不寡欲清心。疑和攝性。上可與天神相對。越下可與臣隣相咏歌。內可以動盪精神。

外可以振聳聽觀。矧當四遠畢至之時。萬姓呼嵩之日。慨然一出。周荅群情。則又不俟臣言者。陛下果何難于此。故臣之所以爲萬壽者。莫永于宗社。靈長莫榮于中外。寧謐莫祥於上下。合德莫樂于神氣。強固而久視。長生之說不與焉。臣之所爲必得其壽者。敬天法祖。則宗社寧。修德勤政。則遐邇戢。釋嫌去疑。則上下孚。懲忿窒慾。則精氣固。而導引服食之說不與焉。敬陳萬壽四箴以獻。其一曰。明昭我皇。萬邦永賴。無已太康。職思其外。帝命難諶。民怨滋大。幾希敬忽。天地否泰。勿謂隱微。聞于四國。勿謂盈成。勢將叵測。

肘腋其咨。億兆作慝。肅肅雍雍。爲民之則。篤我高皇。受命孔將。用戒于逸。用虞于荒。世德作求。不愆不忘。繩其祖武。俾壽而昌。其二曰。猗歟先朝。明良喜起。如元首戴。如手足視。罔忌罔疑。保終其始。其在于今。胡弗則企。既曰親臣。跡復疏之。既曰言路。機復塞之。彼宜有罪。而或翼之。此宜無罪。而或墨之。人亦有言。君門萬里。曾是瞽御。希聞帝履。尚有老成人。豈無左右。史獨斷。深宮人誰。毘倚推腹。置心賢良。共理靡有。不效維天子使壽。考作人令聞不已。其三曰。於鑠文祖。三犁漠庭。暨于海邦。濯濯厥靈。胡然至今。戎馬生于。

肩不在邊。郊而在朝廷。毋倚黠。徒迄可欵。制鷹伏將。擊虎伏將。噬母玩逆寇。嬰城自存。困獸覆車。燭火燎原。毋輕狡啟。島嶼盤桓。舐糠及米。唇亡齒寒。我皇勵精。修德舞干。於萬斯年。四海安瀾。其四曰。皇矣主德。乃柔乃剛。柔克厥覆。勿恣勿戕。剛克厥斷。勿溺勿荒。訏謨定命。咨諏衆亡。側身修行。因人自鏡。木從繩則直。主從諫則聖。偏聽奸生。僻愛害成。躁怒召戎。靡曼成傾。彝酒滅德。黷貨敗名。弗念厥紹。曷以尊生羣工。戾止冠裳。楚楚四方。來賀敦篤。其旅皇心。樂康庶其。臨汝帝德。罔愆昭格于天。壽考維祺。天子萬年。章上

報聞啟美諸疏。奏忠悃篤。摯詞華典麗。時爭傳誦。比于前代。陸敬輿著有尚友編。李太史稿諸集。

陸應川字汝濟。仙音巷人。萬歷丙戌進士。授吳縣令。吳賦甲江南。甫下車。閱積逋以百萬計。驚曰。若悉追吳無民矣。力請于上臺督撫楊難之。應川以投劾辭卒。如所請。減逋賦十之七。是年吳大水。民饑。戊子又饑。皆設法賑恤。民賴以生。大司馬家僕恃勢殺人。督撫監司皆其門下士。欲庇之不徇。竟寘之法。丁內艱。歸服除。補崑山令。值倭警。民咸奔竄。應川下令撫集。飭戰具。繕城池。竭力籌畫。得米三萬石。資餉乃獲安堵。

豐城縣志

卷十三

人物

二十九

馬鞍山。出竒石。掘賣得善價。力禁之。上臺索取。槩謝卻。遂忤意。改調新蔡。時新蔡饑。民多爲盜。嚴加捕緝。四境以寧。考滿。晉刑部主政。典試河南。所得皆知名士。旋恤刑兩浙。活死刑三百餘人。比擬釋放。未解讞。鞫者五十人。奏上俱報。可超擢兩浙大叅。歷陞貴州廉憲。致仕卒于家。生平無他嗜好。惟經籍圖史。初令吳。試童子得文湛持卷。年僅十二。欲拔以冠軍。吳士夫少之。置第二。曰。文子年雖少。異才也。他日當大魁天下。壬戌殿試。湛持果第一。世極服其藻鑒。

熊鳴夏字宗禹。侯塘人。性孝友。治家嚴肅。飭躬清約。萬

歷丙戌成進士。天啟辛酉由主政。歷郎中七年。凡四轉無廢職。先爲吏科給事中。首疏糾劾稅璫。梁永都人士壯之。令金華。時修學校義倉。橋梁文塔諸善政。一時釐舉工費艱鉅強半。佐以官俸。初令松溪縣。鮮科第。鳴夏爲改龍頭山。厥後登仕籍者聯鑣接踵。尤篤意愛民。歌頌四溢。值憂制去。民不忍舍。鳴夏才識優敏。後先服官中外。皆卓有聲。譽弟鳴岐。字文甫。萬歷丁未進士。歷廣東布政使。

李右諫字袞思。父東華。以守官京師早歿。右諫甫十歲。哀毀骨立。扶櫬南歸。事寡母以孝聞。刻意讀書。朝夕

豐城縣志

卷十三

人物

三十

不下樓。萬歷戊子中鄉試第六。己丑成進士。初授績溪令。改調歙。歙最煩劇。右諫一以廉明平恕。爲治稱異等。擢歷部郎。尋選蘓州守。加意士類。論人每多竒中。所最簡注如錢牧齋。黃經甫。蔡雲怡。侯廣成等。後皆以功庸忠節聞。時論比之王河汾。遷山東按察。會妖人徐鴻儒等燒香煽衆。不浹旬。鄒滕間所在震動。遂犯東兗。巡撫趙彥提兵往援。賊衆分趨濟南。右諫獨保孤城。百道備禦。堅壁清野。蟻蝨無所復依。東省以安事平。追治幾株。連無辜。朝命撫按覈實。不能決。下之右諫。虚心矢慎。勘錄數萬言。極稱平允。嗣以右

方伯遷南太僕卿。叙山左前功。議加超擢。緣疾卒而罷。訃聞。予祭一壇。賜葬。蔭有加。右諫博極羣書。仕宦公餘。輒與諸昆子弟。爲古文辭。以自適。有出山詩三卷行世。

蔣汝瑚字廷器。陽夏坊人。少以文行名。萬歷戊子舉于鄉。明年成進士。初授南海令。南海繁劇難治。汝瑚悉心條畫。賦役均。稅課平。寇至。輒殲焉。六年報最。召拜爲御史。章屢上。如查刷寺務。風刺樞臣。指摘巡撫等官。請罷礦洞。撤還營利。諸使皆言人所難言。神宗由是知其名。特命巡視薊昌保定。會外艱歸里。權貴素

豐城縣志

卷十三

人物

三十一

忌之。遂摭他事議斥。丙午起壽州判。兩歷保康。光化令。留心庠序。修隄岸。折麥租。悉有利賴及民。晉南兵部主政。復轉祠部郎中。恥干貴要。官南曹數載。不通請謁。六年以廣西叅議分巡賓州。未及粵中。塗遘疾。至山棗驛。遂卒。汝瑚敷歷中外三十餘載。剛方不屈。遇事敢爲。時輩視其進止爲嚮往焉。

羅棟字吉甫。中溪里人。登萬歷己丑進士。改庶常。授戶科給事中。疏論大理丞赫瀛暴戾諸罪狀。得旨斥去。轉刑科。西事方熾。寧夏苦兵。捷書久不報。議遣大臣行邊。棟抗言。剿則督撫足矣。款則更遣奚爲。竟報罷。

又倭酋乘隙侵朝鮮。以窺中國。大司馬石某主和議。棟斥其欺君誤國。後東封事潰裂。封使李小侯遁還。羽檄馳報多不實。朝議簡省僚奉。命視師衆咸憚往。棟曰。東事未得要領。天子命我偵敵情。幸得一當以報國。庸何避。時論壯之。改禮科。分較南宮。尋董兩宮大役。不擾而功成。臺臣疏易名之濫應。議者七十餘人。棟謂議奪固也。獨無議予哉。疏應補者十五人。皆名卿闕典下。所司僉議時採權之使交馳。海內騷然。棟屢疏請罷。竟以骨鯁取忌。遷寶豐令。念母春秋高。遂拂衣歸養。里居數年卒。

豐城縣志

卷十三

人物

三十二

楊惟相字無技沙上人。領萬歷甲午鄉薦。初授延慶州知州。延慶古雲中地。邊外僅隔一牆。時順義未封。數擁衆入寇。惟相密授機略。擒獲奸謀。敵驚以爲神。南山邊牆前以久雨半傾。敵乘勢盡拆毀之。屢修無成。功守州獲罪者多人。惟相抵任微服步邊。見沙漠草茅相結如窩。諸部落素寢匿于中。盡火之。宿以重兵。敵自是無所棲止。不敢窺邊。始得一意趣工修牆。一萬一千九百八十餘丈。節省帑金一十三萬。功成受欽賚。旋以邊例晉秩刑部員外。先是滇有逆賊阿克之變。至破城劫印。神宗震怒。逮訊失事撫鎮。及白推



官。京師權貴多爲囑求寬解。惟相閉門謝客。奏請九卿科道會問。據法成辟。諸權貴竟以私怨中之。庚戌謫守茶陵州。後補兩淮運判政。聲籍甚。還舊職。時遼餉初增。高安奸民賄司書漏派。以豐爲壑。歲視部額。多派五千五百五十餘兩。惟相抗疏。下其議于撫按。得除其半。及卒。邑民思之不衰。著有周易訓蒙。禮經管見。論語膚義行世。弟惟休另有傳。季弟惟標。有才力。能任事于邑。利弊慷慨敢言。

熊尚文。字益中。邑鄆人。萬曆乙酉解元。登乙未進士。初授汝寧府推官。適兩河大饑。變且起。施救有法。民藉

豐城縣志

卷十三

人物

三十三

以安。累官福建提學。當官者以子與壻請堅却。不徇。嗣督學湖廣。時江夏賀逢聖。熊廷弼爲諸生。尚文一見。並竒之。曰。熊生干將莫邪也。賀生夏瑚商璉也。後俱爲忠義名臣。世服尚文。藻鑑陞浙江叅議。海溢爲鹽患。爲築范公隄八百里。尤加意海防。設營堡。嚴斥堠。尋陞尚寶卿。奏飭朝儀以復二百餘年遺制。奉差典河南試事。竣偕閣臣劉一燝相度慶陵。優叙陞右僉都御史。巡撫湖廣。值川黔交訐。遼餉催徵。旁午。尚文捐俸。併贓罰等項。借餉六十六萬有竒。發兵援蜀。三楚始獲晏然。特召還京。協理院事。晉工部右侍郎。

疏三上乞休得允。天啟乙丑卒于家。崇禎初年查援蜀功恤。贈尚書廕一子。入監諭祭。一壇。崇祀名宦鄉賢。尚文清介絕倫。不治第宅。無愧先民。典型至篤。友誼與同邑李太史啟美結契終生。人以張范方之子。汝學廕官工部。典抽分有清惠聲。

喻三元字少極。萬歷中知平涼府。沈毅廉靜。勇于任事。初至郡。值敵犯。靜固悉心防禦。頒布保障條約。遠邇戒嚴。居民恃以無恐。首禁宗藩請托。諭令修禮義。以重廉隅。條議獎賢宗。以勵不肖。宗姓悉斂。避不敢犯。創行條鞭法。蘇民困。裁冗費。冗役當事者或稱不便。豐城縣志

卷十三 人物

三十四

三元謂裁省非立異。取怨以要譽。當官如理家。視有無。爲豐嗇。食人食者分人事。止知封殖。視民若路人。如朝廷官人之意。何一時臺省監司咸重之。斷疑獄。懲豪橫。免贖鍰。崇禮讓。卽漢循良無多讓者。

按三元舊志未載。無從考其里居出身。茲採陝西名宦志補入。

傅宗臯字直甫。廬坑人。生楚湘潭。歸豐。領萬歷丁酉鄉薦。明年成進士。知將樂縣政。爲八閩循良第一。薦膺內召。拜南京監察御史。不避權要。時鹽政壞操院。以宗臯聲望隆重。題請督理鹽政。及督京倉。請改抵一

十七萬。去官攢守候之。苦。巡視直隸州郡肅然。庚申八月營軍噪。宗臯帶轄京營以法戢之。遂定陞南尚寶卿。以忤璫奪職歸里。于地方利弊知無不言。先是邑苦南運。宗臯任南臺時。以運事至者多方。維救天啟間。楊比部惟相疏減遼餉。宗臯力佐之。父老至今能道其事。後起大鴻臚。因母憂未任。嘗曰。吾生于湘。館于湘。得以身體髮膚。從父母于湘。幸矣。果卒于湘。袁懋謙字吉卿。袁坊人。登萬曆辛丑進士。改庶常。以才名見忌于同館。會帝命賦牡丹。同館成三十韻。懋謙立成四十韻。益忌之。卒爲所抑。出授兵科給事中。癸

丑妖書之變。中外危疑。旨一日五下兵部。懋謙從容言。主上仁慈。東宮純孝。奸人捏造。不足仰犯天威。且國本豈可動搖。久之妖將自息。帝可其奏。即日諭閣臣從懋謙疏。遂慈孝如故。丙午奉命冊封益藩。明年京師霪雨。壞民廬多漂沒。詔發帑金十萬賑之。懋謙請再發大倉米二十萬平糶。民賴以全。戊申巡視十庫。卒于官。著有虎谿詩選。與孫開詩集並行世。黃恒副使焯之弟。當焯任金華時。迎父就養。烜隨侍。父病。輒與兄嘗湯藥不少。懈衣垢必親澣之。恐重爲兄憂。勉慰之曰。願勿以大人故廢職事也。父竟歿于官。

邸烜繼以哀毀歿。弟炷偕兄焯扶櫬歸廬于父墓。哀號不絕聲。甫一年炷亦隨歿。

徐鑒字觀甫。火巷人。性簡飭。寡言笑。燕居無慢容。取與必揆于義。萬曆辛丑登進士。授桐城知縣。革羨餘。均差役。講約化俗。以最聞行。取貴州道御史。諸彈劾悉當上。旨巡按福建。會稅璫恣橫。幾激變。鑒五疏力論。撤回。民始獲安。復勅南直應安等府學政。僅五閱月。竣試事。且多得人。士類翕然稱之。尋陞太僕寺卿。致仕。崇禎初。思用舊臣。部推四人。鑒與焉。竟辭疾不出。卒于家。著有禮經講雋。禮經內解諸書。考略。左氏始

豐城縣志

卷十三

人物

三十六

末續列卿年表

王檄。萬曆十三年由選貢。任浦城縣簿。愛民好士。出納維謹。後視縣篆。賑窮周乏。不啻父母。陞按察司經歷。以勤慎稱。

按王檄。舊志無傳。選貢內亦遺姓名。茲採浦城縣志補入貢類。併錄其傳。

熊劍化。字神阿。松湖人。萬曆辛丑進士。令增城。以卓異調華亭。閱月即白去。積逋十餘萬。興學校。禁遊冶。訟無贖。緩庫。無耗羨。有滯獄積年不解者。立爲剖決。民皆畏服。稱神明。自奉簡約如寒素。一切讌集餽遺悉

謝却月俸外一介不苟取。丁未入覲。無以取權要歡方。晉謁權要。佯爲不知。嫚罵曰。華亭何等縣。而踈節乃爾。劍化拂然去。終不再謁。遲滯六年。始獲入選。儀曹辭境日垂橐。枵然兩蒼頭。敝衣如故。父老歎曰。世安知華亭宰廉介有是耶。旋授浙江監察御史。未拜命。殞于京邸。華亭人思之。崇祀名宦。所著有雲間集。途說二書。

羅憲凱字元甫。荷塘人。萬歷辛丑進士。令貴池。清介絕倫。人莫能干以私。嘗捐俸修復齊山書院。以勤勞卒官。所著有金陵北征入計諸草。

豐城縣志

卷十三

人物

三十七

邱士毅字遠程。邑郭人。少負夙慧。既壯。以家貧。典塾丹陽。謀館穀。給二人養。吳門諸名宿見其文。輒驚服。會旅次疾劇。衆皆危之。一夕夢縣宰就謁。親爲撫摩。循頂及踵。霍然遂愈。後至城隍祠。見神像儼然。夢中宰以神所呵護。早徵爲偉人矣。歸聞徐匡嶽講止修之學。從之遊。亟爲匡嶽稱許。萬歷丁酉舉于鄉。甲辰成進士。改庶吉士。旋授檢討。癸丑分校禮闈。乙卯典楚試。所拔多名雋。如劉會元。必達其一。明年陞左春坊左贊善。時福藩之國。奉命理冊封事。使旋予告。搆吾美樓讀書其中。足不履戶外。天啟甲子。以少詹召晉。

南禮部侍郎。充纂修神宗實錄總裁。乙丑教習庶吉士。值權璫用事。率多依附。獨不與通。竟以忤時歸里。崇禎己巳璫敗。起原官。旋署本部尚書。紀恩。討云豈有纖埃裨廟畧。差無半刺問權璫。其正直蓋天性也。尋乞休溫。旨慰留。以文行端醇。留都典禮正須佐理。不允所辭。辛未視樂文廟。忽疾作。歸署端坐而逝。訃聞。遣官營葬。予祭一壇。贈禮部尚書。廕一子。入監。士毅爲文古茂博雅。詩典則流麗。著有吾美樓集。

蔣杰字美若。初居豐城。以貴州普安籍登萬曆己丑進士。授戶部主事。歷郎中。裁減浮費。歲省四千餘金。有

中官因事請托。賄以五百金。峻却不受。出司清源。權政獲羨金一萬一千。悉以佐三殿大工。潔己恤商。遠近德之。建祠以祀。神宗久不視朝。疏言晏安中隔之弊。又請減中官以杜壅蔽。皆留中不報。陞南雄知府。聽斷務先德教。有感泣罷訟者。歲大禋。多方賑恤之。捐俸以新郡學。暨弘道書院。張曲江祠。月課士其中。轉副使。尋以內艱歸。先是南雄諸生梁智與幼弟爭產。至誣其母。杰自責立按律擬辟。巡方御史某爲之居間求脫不聽。至是以他事中之。遂不復起。崇禎間楚氛棘道。坎壈無所家。與其子前上高令。克顯復歸。

豐城居焉。生平喜遊，足跡幾半天下。所歷輒有詩。喜琴、喜奕、喜歌、喜高僧，喜與人談，尤喜臨池。晚年筆法益蒼勁，兼採諸家，運以己意，人爭購而珍之。年八十四卒。著有九經選鈔十七史摘要、邊略議治、河議略式、穀堂集、息園小草、靜寄軒稿、南遊日錄、東遊漫草、紀遊小草、武陵晤語、普安續志、經兵火散軼不存。李頴字弘明，中丞材之子。少佩庭訓，以止修救良知之弊，故其學一以尚名檢敦實行爲重。年二十，時中丞以滇功被劾，逮詔獄論死。頴始婚于家，聞變，草屨囚服詣獄乞代，寢處于赭衣蟻蝨之間者六載。後中丞

豐城縣志

卷十三

人物

三十九

得減死論戍鎮海。頴隨侍戍所十三年，學益進，辨新安金谿姚江諸先生之異同，尤悉。中萬曆丙午鄉試，天啟改元，伏闕，愬父功高被枉狀，得俞旨復其官。頴以部選授閩鄉教諭，竟繳憑歸。日與同志講學于父見羅祠。風雨晦明，不少輟。僉憲漢陽李若愚甚敬慕，扁其門曰李弘明先生之廬。會薦辟，詔下以其姓名上聞。頴引疾力辭，著有中庸叅論語測或問臆說四書捷鏡同求錄年代紀要。

余世昭字叔潛，大寺前人。性溫潤如玉，有謹厚長者稱。祖涇以宿學九試鄉闈不舉，臨歿呼世昭曰：汝勉之。

世昭以其祖屬望下。惟不輟倦。即跪誦長補諸生從理學諸先生遊。爲鄉黨所推。

李廷止。號櫛山。小港人。少貧力學。靜悟寡營。師事羅近谿。李見羅。王龍溪三先生。一日見羅。謂廷止曰。四書五經只是修身爲本的註脚。荅曰。修身爲本。只是我的註脚。見羅頗契其言。王龍溪亦稱爲鐵脊漢。大約講學以良知爲宗。以求友爲亟。遨遊三吳兩越間。聞風景從陶石簣。著招隱篇勸之。仕終不出。

豐城縣志卷十三終

豐城縣志

卷十三

人物

四十